

Izjava OHR-a na konferenciji za medije međunarodnih organizacija u Mostaru

Ogroman korak naprijed na putu BiH prema evropskim integracijama

Kao što znate BiH pregovarači će danas početi pregovore u Sarajevu sa predstavnicima Evropske komisije o Sporazumu o stabilizaciji i pridruživanju. Ukoliko BiH zaključi Sporazum – a to bi se moglo dogoditi još krajem ove godine – to će predstavljat ogroman korak naprijed na putu ove zemlje ka punim integracijama sa ostatkom Evrope.

Visoki predstavnik je pozvao lidere BiH da “iskoriste priliku prije nego se vrata prema Evropi zatvore.” BiH mora pokazati, brzo i odlučno, da je ozbiljan kandidat za članstvo. Evropa neće imati nimalo strpljenja ukoliko lideri BiH pokažu oklijevanje.

Visoki predstavnik je pozvao lidere BiH da pokažu odgovornost i da preuzmu inicijativu kako bi process održali na pravom putu “ulazeći u period intenzivnih aktivnosti i napora, kako bi svim građanima BiH brzo obezbijedili prednosti koje dolaze od još boljih odnosa sa EU.”

“Ubrzani napredak,” dodao je on, “će zahtijevati odlučnost, predanost – i ono što je najvažnije – konkretne rezultate. Rezultati će odvesti BiH u Evropu i rezultirati sa otvaranjem novih radnih mjesta.”

Visoki predstavnik će prisustvovati prvom sastanku Direkcije za provođenje restrukturiranja policije BiH.

Visoki predstavnik će sutra prisustvovati prvom sastanku Direkcije za provođenje restrukturiranja policije BiH.

Direkcija je uspostavljena odlukom Vijeća ministara nakon usvajanja Sporazuma o

Reformi policije, koji je odobrila EK, u oktobru prošle godine.

Direkcija je tehničko tijelo čiji su članovi domaći policijski stručnjaci, koji po uslovima političkog sporazuma, usvojenog od strane entitetskih i državnog parlamenta, treba da naprave plan implementacije do septembra ove godine.

Važnost rada ove Direkcije ne može biti dovoljno naglašena. BiH građani redovno navode kako je jedna od njihovih najvećih briga porast kriminala, a porast organiziranog kriminala u BiH i širenje njegovog utjecaja na druge zemlje, je razlog za veliku zabrinutost među evropskim partnerima BiH. Rad Direkcije će napraviti direktan i pozitivan doprinos u rješavanju ovog problema.

Visoki predstavnik u posjeti Srebrenici

Na kraju trodnevnog oproštajnog obilaska Bosne i Hercegovine, visoki predstavnik Paddy Ashdown će u srijedu, 25. januara biti u oproštajnu posjetu Srebrenici.

Po dolasku u Srebrenicu, visoki predstavnik će se sresti sa načelnikom Abdurahmanom Malkićem i predstavnicama udruženja Majke Srebrenice. Skupa sa njima, visoki predstavnik će odati počast žrtvama srebreničkog masakra u Memorijalnom centru Potočari.

Visoki predstavnik, sa suprugom Jane, će posjetiti i povratnike u Srebrenicu, kod kojih je već ranije boravio.

Visoki predstavnik, Paddy Ashdown, je u trodnevnom oproštajnom obilasku Bosne i Hercegovine koji je započeo u Trebinju i Mostaru 23. januara, nastavio odlaskom u Gornji Vakuf / Uskoplje i Banjaluku 24. januara, i u Srebrenicu 25. januara. Pored sastanaka sa političkim predstavnicima, cilj posjete je da se sastane sa građanima BiH te da sa

njima porazgovara o promjenama koje su se desile u ovoj zemlji u toku posljednje tri i po godine.